

尚書今古文注疏

三



尙書今古文注疏目錄

卷一

堯典第一上

堯典第一下

卷二

皋陶謨第二上

皋陶謨第二中

皋陶謨第二下

卷三

禹貢第三上

禹貢第三中

尙書今古文注疏

目錄

禹貢第三下

卷四

甘誓第四

卷五

湯誓第五

卷六

盤庚第六

卷七

高宗彤日第七

卷八

西伯戡黎第八

卷九

微子第九

卷十

泰誓第十

卷十一

牧誓第十一

卷十二

洪範第十二上

洪範第十二下

卷十三

金縢第十三

卷十四

大誥第十四

尚書今古文注疏

目錄

卷十五

康誥第十五

卷十六

酒誥第十六

卷十七

梓材第十七

卷十八

召誥第十八

卷十九

洛誥第十九

卷二十

多士第二十

卷二十一

無逸第二十一

卷二十二

君奭第二十二

卷二十三

多方第二十三

卷二十四

立政第二十四

卷二十五

顧命第二十五

顧命第二十五下

卷二十六

費誓第二十六

卷二十七

呂刑第二十七上

呂刑第二十七下

卷二十八

文侯之命第二十八

卷二十九

秦誓第二十九

卷三十

書序第三十上

書序第三十下

尚書今古文注疏

卷十二

洪範第十二下 周書三

五皇極。皇建其有極。**注**史遷無五字。**疏**

漢書五行志傳曰：皇之不極，是謂不建。皇，君也。極，中也。人君貌言視聽思心五事皆失，不得其中，則不能立萬事。是皇極爲君道之中。皇

建有極爲君立其中也。

敘時五福，用敷錫厥庶民。**注**史遷敷作傳，厥作其。馬融曰：當敘是五福之道，用布予

衆民。

疏釋詁云：敘，聚也。時，是也。五福，謂五者皆備。下文鄭注云：福之言備也。史公敷作傳者，廣雅釋言云：傳，敷也。厥爲其者，釋言文。馬注見史記集解以敷爲布者，說文：導，布也。錫爲予者，釋詁云：錫，予也。庶爲衆者，釋詁文。

惟時厥

庶民于汝極。**注**史遷惟作維，厥作其。馬融曰：以其能敘是五福，故衆民於汝取中正，以歸心也。**疏**

馬注見史記集解以於爲取者，詩傳文。

錫汝保極。**注**鄭康成曰：又賜汝以守中之道。**疏**

錫者，詩傳云：錫，予也。是錫與同義。言君與汝守中之道也。鄭注見史記集解以保爲守

者，詩崧高云：南土是保。箋云：守也。安也。

凡厥庶民，無有淫朋。**疏**

淫者，王逸注楚詞云：遊也。大傳引九共云：使民無放，放亦游也。

人無有比德。**疏**

比者，說文云：密也。反从爲

比論語爲政篇云君子周而不比。集解引孔注云阿黨爲比。

惟皇作極。史遷惟作維。凡厥庶民有猷有爲有守。汝則念之。

馬融曰凡其衆民有謀有爲有所執守當思念其行有所趣舍也。

馬注見史記集解以猷爲謀者釋詁文云行有所趣舍者有謀有爲是有

所趣有守則不爲不義是有所舍也。不協于極不罹于咎皇則受之。史遷罹作離。

史公罹爲離者罹俗字當爲離詩免爰云雉罹於羅釋文云罹本又

作離文選思元賦循法度而離殃注離罹也漢書集注云罹遭也言臣民之行有不合於中亦不至獲咎於汝爲君者當寬容以受之。

而康而色曰予攸好德汝則錫之福。

時人斯其惟皇之極。史遷康作安攸作所惟作維。

而者鄭注中庸云而之言汝也史公康爲安者釋詁文言當和顏以告臣民示之好德乃錫之福是

人當以此無虐瑩獨而畏高明。史遷作毋侮鰥寡馬融亦作毋侮曰高明顯寵者不枉法畏之得大中也。

史公作毋侮鰥寡者今文尙書與古文異也。困學記聞引尙書大傳云毋侮鰥寡而畏高明列女傳楚野辯女引周書毋侮鰥寡而畏高明後漢書肅宗紀元和二年詔曰經曰毋侮鰥寡釋文云馬本作毋侮皆今文也。鰥獨者詩正月云哀此鰥獨傳云獨單也。釋文云傳本又作瑩王逸注楚詞云瑩孤也。瑩蓋悞假借字馬注見史記集解以高明爲顯寵者楊雄解嘲云高明之家鬼

觀其室是謂顯寵之家也不枉法畏之言不曲法以縱之案此言臣有不侮鰥寡不畏強禦者及下有能有爲之人皆當進用。

人

之有能有爲使差其行而邦其昌。史遷邦作國。

能者鄭注周禮云多才藝者蓋者釋詁云進也潛夫論思賢篇引書曰人之有能使循其行國

乃其昌說云是故先王爲官擇人必得其材功加於人德稱其位循修古字多通。

凡厥正人既富方穀汝弗能使有好于而家時人斯

其事

疏

正人謂在位之正長，當謂重其祿，穀者詩傳云善也。中庸云重祿所以待士，好子而家，謂善于國家，詩鹿鳴人之好我，示我周行，箋云好猶善也。言凡其正長當重其祿，使之作善，汝不能使賢者善於家，國是人人以此爲其罪也。

于

其無好德，汝雖錫之福，其作汝用咎。**注**史遷無作毋，無德字。鄭康成曰：無好于汝家之人。

雖錫之以爵祿，其動作爲汝用惡，謂爲天子結怨于民。

疏

史公無德字者，好與咎爲韻。鄭本亦無，是後人妄增德字也。鄭注見史記集解，亦無德字，云無好于汝家之人。

言不爲國家作善也。福爲爵祿者，周禮太宰職云：祿以取其富，作爲動作，咎爲惡者，釋言云：作爲也。爲即動作，廣雅釋詁云：咎，惡也。云爲天子結怨于民者，言非善人，雖厚其祿，猶股民以爲汝敵怨也。

無偏無陂，遵王之道。

義無有作好，遵王之道；無有作惡，遵王之路。**注**史遷無俱作毋，陂作頗。馬融曰：好，私好

也。有一作或，好一作政。

疏

史公陂爲頗者，經文本作頗。釋文云：舊本作頗，熹平石經亦作頗。唐元宗改爲陂，今本承其誤。荀子修身篇引此文，說之云：此言以公義勝私欲也。馬注見史記集解云：好，私好者，謂好惡之私，非

大中之道。呂氏春秋貴公篇引陂作頗，二有字作或。注云：義法也，或有也，好，私好。賢公平于曲惠也，惡，擅作威也。韓非亦引有作或，說文故引此經，蓋孔壁古文。

無偏無黨，王道蕩蕩，無黨無

偏，王道平平，無反無側，王道正直。**注**史遷無皆作毋，馬融曰：反，反道也。側，傾側也。鄭康成

曰：黨，朋黨。平平，一作便便。

疏

呂氏春秋貴公篇引鴻範曰：無偏無黨，王道蕩蕩。注云：蕩蕩，平易也。詩云：魯道有蕩，平平者，詩采菽云：平平左右，傳云：平平，辯治也。釋文云：平平，韓詩作便便。史記張釋之馮唐傳贊引作王

道便便。徐廣曰：便，一作辯。馬注見史記集解云：反，反道。側，傾側者，詩何人斯以極反側。傳云：反側，不正直也。鄭注周禮云：反側，猶違背法度也。與馬義相近。鄭注見史記集解云：黨，朋黨者，說文作攢，云：朋，羣也。孔安國注論語以黨爲相助，匪非，又以爲助私。

會

其有極。注鄭康成曰：謂君也。當會聚有中之人以爲臣也。歸其有極。注鄭康成曰：謂臣也。當就

有中之君而事之。疏鄭注俱見史記集解。曰：皇極之敷言。注史遷皇作王。敷作傳。馬融曰：王者當極行之。使

臣下布陳其言。疏史公此皇極作王者，蓋以爲大中之敷言。傳同敷。見上疏。馬注見史記集解。以極爲盡也。以下極之敷言，屬庶民言之。故變其義，高誘注淮南云：極盡也。是彝是訓，于帝其

訓。注史遷彝作夷。訓作順。馬融曰：是大中之道，而常行之。用是教訓天下，於天爲順也。疏史公彝爲夷者，詩傳云：夷

常也。訓爲順者，聲相近。馬注見史記集解云：于天爲順者，易曰：天且不違，而況於人乎。凡厥庶民，極之敷言。注史遷敷作傳。馬融曰：亦盡極敷陳其

言於上也。是訓是行，以近天子之光。注史遷訓作順。疏周禮詢萬民，詩詢芻蕘，周語邵公曰：庶人傳語，故古者庶民得近天子也。曰：天

子作民父母，以爲天下王。注大傳說聖人者，民之父母也。母能生之，能食之，父能教之，能誨

之。聖王曲備之者也。能生之，能食之，能教之，能誨之也。故書曰：作民父母，以爲天下王，此之謂也。疏

王者，呂氏春秋下賢篇云：王也者，天下之往也。六三德。注史遷無六字。一曰正直。注鄭康成曰：中平之人。二曰剛克。三

曰柔克。注鄭康成曰：克，能也。剛而能柔，柔而能剛，寬猛相濟，以成治立功。疏此言人有三德，當自治其性也。漢書匡衡傳，衡上疏曰：傳

曰。審好惡。理情性。而王道畢矣。又云。治性之道。必審已之所餘。而彊其所不足。又云。齊之以義。然後中和之化應。經言三德者。說文云。惠外得於人。內得於己。似如皋陶謨言九德。據德行言之。不及政治。僞傳所說未是。馬鄭亦未爲得之。此三德謂天地人之道。正直者。論語云。人之生也直。人道也。剛克。天道。柔克。地道。克者。釋詁云。勝也。皋陶謨疏以九德配三德云。其洪範三德。七人事而後天地是也。鄭注見史記集解云。中平之人者。言不剛不柔。中正和平之人。詩燕燕云。彼其之子。邦之司直。又云。三英。三德也。箋云。三德。謂剛克。柔克。正直也。疏引鄭注申之云。剛則彊。柔則弱。此陷於滅亡之道。非能也。然則正直者。謂不剛不柔。每事得中也。史公三德上無六字。熹平石經同。蓋今文也。

平康正直。彊弗友。剛克。燮

友。柔克。

注

史遷弗作不。燮作內。鄭康成曰。人臣各有一德。天子擇使之。安平之國。使中平守一之

人治之。使不失舊職而已。國有不順。孝敬之行。則使剛能之人誅治之。其有中和之行。則使柔能

之人治之。差正之。

疏

此又申言三德之性。行正直者。平康。是得其中正。不須克制也。彊弗友者。廣雅釋詁云。友。親也。言其性彊。殺不可親。剛克之人。有是性。燮友者。釋詁云。燮。和也。言柔克之人。有此性。二者。君德之偏。故下言自克之

道。史公燮作內者。內與燮聲相近。假借字。鄭注見書疏。以此三德爲人臣各有一德。云安平之國。使中平守一之人治之者。上文云。又用三德。馬鄭皆以父爲政治也。安平之國。謂其國平康。無事紛更。使中平守一之人。循其舊職可矣。云不順。孝敬之行。者。爾雅云。善兄弟爲友。彊弗友。是不順。孝敬之行。當使剛能之人治之。云中和之行。者。釋詁訓燮爲和。而友。當使柔能之人治之。馬鄭俱以下文有惟辟作福。作威之言。故爲此說也。

沈潛剛克。高明柔克。

注

史遷

潛作漸。馬融曰。沈。陰也。潛。伏也。陰。伏之謀。謂賊臣亂子。非一朝一夕之漸。君親無將。將而誅。高明君子。亦

以德懷也。

疏

經言三德。蓋謂君德有中正者。有偏于剛柔者。須先自治其德。至於中和。乃可作福作威。故云。又用三德。又言自治也。春秋左氏文五年。傳寧羸之說。陽處父曰。以剛商書。沈潛剛克。高明柔克。夫子壹之。其不沒乎。天爲剛德。猶不干

時況在人乎。杜注云。沈潛猶滯溺也。高明猶亢爽也。言各當以剛柔勝己本性。乃能成全也。此周人引書。即言治性。不言治人。蓋書古文說。杜氏所云亦不同。馬鄭之說。意以沈潛地近弱。當以剛勝之。高明天道近剛。當以柔勝之。乃成德也。此言君德之明證。谷永傳。永說王音曰。意豈將軍忘滿漸之義。委曲從順。所執不彊。此亦用洪範沈潛剛克。班氏谷永皆用今文書說。亦不與馬鄭同也。馬注見史記集解云。沈陰潛伏者。月令云。天多沈陰。詩。潛雖伏矣。故沈陰潛伏。同義云。賊臣亂子。非一朝一夕之漸者。易文言傳曰。積不善之家。必有多殃。臣弑其君。子弑其父。非一朝一夕之故。其所由來者漸矣。馬說本此。云君親無將。將而誅者。公羊莊三十二年傳文。案如馬鄭所云。君無自治之德。亦必不能用人。專作威福。似非洪範垂教之道。此衛賈諸君孔壁古文之說。未必合古經義也。惟

辟作福。惟辟作威。惟辟玉食。史遷惟皆作維。馬融曰。辟。君也。玉食。美食。不言王者。關諸侯

也。鄭康成曰。此凡君抑臣之言也。作福。專慶賞也。作威。專刑罰也。玉食。備珍美也。

疏 此言爲君者。自治其性。至於中和。則喜

怒中節。可以專威福也。辟者。釋詁云。君也。玉食。猶言好食。史記封禪書。案驪引三輔決錄云。杜陵有玉氏音。說文以爲從玉。音畜牧之畜。案玉讀爲畜。畜好聲之緩急。孟子梁惠王篇云。畜君者。好君也。高誘注呂覽云。畜好。凡經言玉女玉色。義皆爲好。後人忽之。并刪說文音讀。馬注見史記集解云。辟。君者。釋詁文云。不言王者。關諸侯者。謂諸侯於其國亦君也。得專威福者。王制云。次國三卿。二卿命於天子。一卿命於其君。小國二君。皆命於其君。是諸侯得爵命大夫也。康誥是周公誥康叔之書。而云敬明乃罰。文王世子云。獄成。有司獻於公。是諸侯得專利罰也。玉藻云。諸侯朝服以食。特牲三俎。祭肺。夕深衣。祭牢肉。朔月少牢。五俎四簋。是諸侯亦得備美食也。鄭注見公羊傳成元年疏。及史記集解。案齊策高誘注。引書曰。無有作威作福。後漢書荀爽傳。引洪範曰。惟辟作威。惟辟作福。惟辟玉食。皆先威後福。段氏玉裁云。今文尙書如是。

臣無有作福作威。玉食。臣之有作福作威。玉食。其害于而家。凶于

而國。鄭康成曰。害于汝家。福去室。凶于汝國。亂下民。一作而凶于而國。

疏

燕平石經。凶上有而字。

人用側

頗僻。民用僭忒。

疏

漢書王嘉傳。嘉奏封事曰。箕子戒武王曰。臣無有作威作福。亡有玉其臣之有作威作福。玉食害于而家。凶于而國。人用

側頗僻。民用僭惡言。如此則逆尊卑之序。亂陰陽之統。而害及王者。其國極危。國人傾仄不正。民用僭差。不壹。是說此經之義也。亦先威後福。楚元王傳。劉向上封事。引書曰。臣之有作威作福。及後漢書張衡傳所引。皆先威後福。蓋今文尙書。惟漢書武五子傳策曰。書曰。臣不作福。臣不作威。師古注引洪範云。臣無有作威作福。似唐初所據古文尙書。亦有先威後福者。王嘉以側爲傾仄者。馬注無反。無側。亦云傾側也。以頗僻爲不正者。文選思元賦注云。邪佞也。鄭注見公羊傳。成元年疏。馬注見釋文。云忒惡者。詩傳云。惡。惡也。馬以惡訓忒。江氏聲不以爲然。詩傳云。僭。差也。忒。疑也。疑是疑忒。卽王嘉傳所云不壹。此優於馬說。權歸于臣。則吏民歸附有貳心也。

七稽疑。

疏

史遷無七字。擇建立卜筮人。

鄭康成曰。言將考疑事。選擇可立者。立爲卜人筮人。

疏

鄭注見書疏。以稽爲攷者。廣雅釋言。亦云建者。鄭注周禮云。立也。經言建。復言立。故云選擇可立者。立爲卜人筮人。白虎

通著龜篇云。龜曰卜。著曰筮。何卜。赴也。爇見兆也。筮也者。信也。見其卦也。

乃命卜筮。曰雨。曰霽。曰蒙。曰驛。曰克。曰貞。曰悔。凡七卜。

五占用二衍忒。

疏

史遷霽爲濟。曰蒙曰驛。作曰涕曰霧。占用二。作占之用。忒爲資。馬融曰。占筮也。

鄭康成曰。卜五占之用。謂雨霽圖霧克也。二衍資。謂貞悔也。將立卜筮人。乃先命兆卦而分別之。兆卦

之名凡七。龜用五。易用二。審此道者。乃立之也。雨者。兆之體。氣如雨然也。濟者。如雨止之雲。氣在上者也。圖者。色澤而光明也。霧。蠱者。氣不釋鬱冥冥也。克者。如侵氣之色相犯也。內卦曰貞。貞。正也。外卦曰

悔。悔之言晦也。晦猶終也。卦象多變。故言衍資。悔一作卦。

疏 史公變爲濟者。釋天云。濟謂之變。曰變爲曰涕。在曰。蒙上者。史記集解及書疏等。引鄭注。皆先圖後事也。

驛爲涕者。詩載驛。齊子豈弟。鄭箋云。弟。古文尙書以弟爲圖。圖明也。疏引古文作悌。悌弟即涕。今文尙書字也。蒙爲霧者。蒙霧擊之轉。說文。霧。輟文作蒙。周禮太卜注。引書作曰。蓋字之假借也。占用二爲占之用者。謂雨濟蒙驛克卜之兆象。有此五者爲占者之用也。江氏聲云。鄭本與史記同。僞孔脫之字。非也。武爲資者。詩傳云。武。變也。縞衣其儀不武。釋文云。武。本作貳。易豫釋文云。武。京本作貳。皆卽貳字。馬注見釋文。云占策者。是以占屬貞晦則占之用二爲句。與鄭異也。鄭注見史記集解。云雨霽圖驛克者。書疏引作謂雨霽蒙驛克也。云雨者。兆之體。氣如雨然也。周禮太卜疏。引作兆之體。如雨氣。云濟者。如雨止之雲。氣在上者也。太卜疏。引作兆之光明。如雨之雲氣在上。云圖者。色澤而光明者也。案說文。圖。回行也。引商書此文。云圖。升雲半有半無。讀若驛。鄭不用其說。而於載驛詩箋云。圖明也。又注周禮占人云。凡卜象吉。色善墨。大坼明則達吉。此言色澤而光明。則是吉兆矣。許氏云。升雲半有半無。雲氣在上。亦開明之義。云霧者。氣不釋鬱冥冥也。書疏引作氣澤鬱鬱冥冥也。說文云。霽。地氣發。天不應也。則霧是氣不揚越。兆氣如之。故云氣不釋。云克者。如殺氣之色相犯也。書疏引作如雨氣色相侵入。周禮既祫。掌十輝之法。一曰殺。注。鄭司農云。殺。陰陽氣相侵也。兆名爲克。如彼陰陽之氣相侵犯也。云內卦曰貞。外卦曰悔者。易蠱卦。巽下坤上。巽爲風。艮爲山。春秋左氏傳十五年傳云。蠱之貞風也。其悔山也。是內卦曰貞。外卦曰悔。卦以下爲內。上爲外也。說文作卦。云易卦之上體也。引此經云。商書貞正者。子夏易傳文云。卦象多變。故言衍資者。書疏引資俱作貳。易繫辭云。及者。言平變者也。說卦云。觀變於陰陽而立卦。是卦象多變也。繫辭又云。大衍之數五十也。鄭注云。衍演也。王虞蜀才皆云。衍。廣也。貳與貳通。詩傳云。變也。

立時人作卜筮。史遷作爲卜筮。鄭康成曰。立是能分別兆卦之名者。以爲卜

筮人。三人占。則從二人之言。鄭康成曰。卜筮各三人。太卜掌三兆三易。從其多者。著龜之道。

幽微難明。慎之深。

疏

白虎通著龜篇云。或曰天子占卜九人。諸侯七人。大夫五人。士三人。又尙書曰。三人占。則從二人之言。鄭注見史記集解。又見士喪禮疏。從其多者已下。亦見史記集解。云卜筮各三人。太卜掌三兆三易。著士喪

禮筮宅卒筮執卦以示命筮者受視反之東面旅占注云旅衆也反與其屬共占之謂掌連山歸藏周易者又卜葬日占者三人注云占者三人掌玉兆瓦兆原兆者也然則此言卜筮各三人亦謂卜則掌三兆者各一人筮則掌三易者各一人也周禮云太卜掌三兆之法一曰玉兆二曰瓦兆三曰原兆注云兆者灼龜發於火其形可占者其象似玉瓦原之豐碑是用名之焉杜子春以玉瓦原三兆爲帝顓頊堯周之兆又云掌三易之法一曰連山二曰歸藏三曰周易注云連山似山出內氣也歸藏萬物莫不歸而藏於其中杜子春云連山密藏歸藏黃帝是鄭說三兆三易既用子春說矣易贊乃云夏曰連山殷曰歸藏與周禮注違者鄭志趙商據子春三兆三易之注而問云子春何由知之鄭答之曰此數者非有明文破之無據故著子春說而以近師皆以爲夏殷周然則三兆三易其說雖定鄭氏不敢專從兩存可也云從其多者春秋左氏成六年傳云樂武子曰善鈞從衆商書曰三人占從二人衆故也

汝則有大疑謀及乃心謀及卿士謀及庶

人謀及卜筮

䷗

史遷乃作汝鄭康成曰卿士六卿掌事者人一作民

䷗

白虎通著龜篇云所以先謀及卿士何先盡人事念而不能得

思而不能知然後問於蓍龜聖人獨見先睹必問著龜何示不自專也或曰清微無端緒非聖人所及聖人亦疑之尙書曰汝則有疑謂武王也鄭注見書疏人作民見熹平石經

汝則從龜從筮從卿士從

庶民從是之謂大同身其康強子孫其逢

䷗

史遷身作而身子孫作而子孫馬融曰逢

大也吉汝則從龜從筮從卿士逆庶民逆吉卿士從龜從筮從汝則逆庶民逆

吉庶民從龜從筮從汝則逆卿士逆吉

䷗

鄭康成曰此三者皆從多故爲吉汝則從龜

從筮從卿士逆庶民逆作內吉作外凶

䷗

鄭康成曰此逆者多以故舉事於境內則吉境

外則凶。龜筮共違於人，用靜吉，用作凶。**注**鄭康成曰：龜筮皆與人謀相違，人雖三從，猶不可

以舉事。

疏馬注見釋文云：逢大者，鄭注儒行逢接之衣云：逢猶大也。鄭注俱見史記集解。

八庶徵。**注**史遷無八字，曰雨，曰暘，曰燠，曰寒，曰風。

注

史遷賜作陽，燠作奧。鄭康成曰：雨，木氣也；春始施生，故木氣爲雨；暘，金氣也；秋物成而堅，故金氣

爲暘，燠，火氣也；寒，水氣也；風，土氣也。凡氣非風不行，猶金、木、水、火，非土不處，故土氣爲風。

疏

史公暘爲陽者，宗義

云：殷人祭其陽，注云：陽讀爲日，雨曰暘之暘，燠作奧者，五行志：何休注公羊，皆作奧，堯典厥民奧，馬氏云：燠也是陽與暘，燠與奧通。鄭注見書疏，以雨暘等配五行者，大傳五行傳云：貌之不恭，是謂不肅，厥罰恆雨，言之不從，是謂不乂，厥罰恆暘，視之不明，是謂不聰，厥罰恆燠，聽之不聰，是謂不謀，厥罰恆寒，思之不容，是謂不聖，厥罰恆風，鄭據此爲說也。

曰時，五者來備，各以其敘，庶草繁廡。

疏後漢書李雲傳：雲上書曰：得其人則五氏

來備。注引史記五者來備，苟爽傳：爽對策曰：嘉瑞降天，吉符出地，五彙咸備，各以其敘矣。注云：彙是也。史記曰：休徵曰肅，時雨若曰乂，時暘若曰哲，時燠若曰謀，時寒若曰聖，時風若曰五者來備，各以其敘也。經作時者，釋詁云：是也。繁廡，說文作繇，繇，豐也。引商書此文，釋詁云：蕪，豐也。晉語云：黍不爲黍，不能蕃廡。注云：蕃，滋也。廡，豐也。蕪爲繇，無爲蕪，皆假借字。

一極備凶，一極無凶。**注**史遷無作亡。

疏江氏聲曰：極備，即所謂恆也。五者之中，一者極

備，或一者極無，皆凶。史公無作亡者，詩谷風何有亡，以亡爲無也。

曰休徵。

疏漢書五行志：引此文注孟康曰：善行之驗也。

曰肅，時雨若曰乂。**注**史遷又作治，時

暘若曰哲，時燠若曰謀，時寒若曰聖，時風若

疏大傳鄭注云：孔子說休徵曰：聖者，通也，兼四而明，所謂聖者，包貌言視聽而載之以思心者，通以待之。